

815

737

73

106



楹聯錄存五

孫葉田前輩輓聯

葉田前輩爲琴西同年之弟在翰林中科分最老
海內無在其前者矣重赴鹿鳴宴重赴恩榮宴
沈文肅公及今傳相合肥相國皆其分校會試所
得士亦極儒臣之榮矣

桂宮兩到杏苑再來房魏羅一門無人不拜文中子
芸署科深梓鄉望重坡穎稱二老令我回思蘇長公
潘景桓世講喜聯

德清俞樾



景桓爲潘文恭公元孫譜琴席常之孫也於二月十九日完姻書此賀之

五世其昌上承宰相門風此夕喜諧鳳卜 二月旣望正值觀音生日明年抱送麟兒

潘濟之中翰六十壽聯

濟之爲文恭公之孫二月六日其生日也

二月良辰暢領三吳好風景 六旬周甲振興一品舊門庭

劉母顧太淑人輓聯

太淑人爲我山農部之母于歸之次日卽趨侍病

姑姑髮久不櫛手爲櫛之庚子之變我山在京師

奉 召赴 行在乞假回籍措資太淑人敦促西

上行至袁浦聞太淑人病乃還

當年初賦于歸蘭膳新嘗便爲病姑親櫛髮 此日深

明大義芒鞋催赴不教游子苦牽衣

張忠敏公祠聯

祠在山塘應敏齋同年爲蘇臬時所建內有詩紅

小築敏齋屬余題一聯已錄存矣今年同鄉諸君

又乞題祠聯

祠宇傍山塘小築時紅成勝蹟 謳歌徧吳會大名章



白並傳人

薛仲襄茂才輓聯

茂才名展煒爲慰農太守之孫餘澍大令之子年
十七游庠十九卽下世娶彭氏結縭止十六月年
止二十相從地下可敬亦可哀也

祖是名流父亦循吏一領青衿盼他年金馬玉堂振興
二千石舊門第 夫未弱冠婦僅廿齡千秋黃壤看終
古烏鵲魚鰈完成十六月好因緣

惲母張太夫人輓聯

太夫人爲菘耘中丞之母性好施與奉 旨建有

樂善好施坊年八十六而卒中丞方撫吾浙未三
月以憂去浙人皆惜之

登堂拜壽母過八旬又屆六齡生平風義甚高樂善好
施邀特獎 持節看佳兒撫兩浙未盈三月一旦星奔
遽去安民察吏待重來

沈母陸太夫人輓聯

太夫人爲子梅觀察之母庚子之變子梅以通永
道受代從戎馬中轉展南歸得以親視含歛眞幸
事也年七十七而終子四孫二曾孫一亦盛矣

有令子從三千里外先三月歸來含歛躬親戎馬之間



眞福分 享大年過七十歲後又七齡曼衍孫曾環侍
驂鸞而去卽神仙

卻荻洲觀察輓聯

觀察年九十二而終余丁酉同年也丁酉距今六
十四年恐海內同年希矣

大壽似公稀若連閏月推排已屆百齡惟欠五 微名
容我附堪歎同年寥落還愁四海更無雙

杭祿庭封翁輓聯

翁白手起家以助振 賞二品封典年九十四而
終以五世同堂 旌幼時及見曾祖故又 賜七

葉衍祥額亦吳中人瑞也

上承曾祖下見元孫五世同堂更溯祥源成七世 壽
過九旬封膺二品百年計閩略留餘算只三年

于母姚孺人輓聯

孺人爲香草明經之母治家整肅每日焚香以所
事告天尤惜五穀粒米在地必手自檢取

物力惜艱難怕鷄粒拋殘遺糝不教留在地 家規垂
謹愼對鵲鑪默訴焚香每事告之天

戴笠青廣文輓聯

笠青曾至蘇州受業於余官遂昌教諭而卒



一官老玉女峯前青餘杜甫吟詩笠 卅載湖金閭亭

畔紅賞江淹入夢花

鄭芝巖觀察輓聯

觀察入翰林卽典試河南試畢省親杭州至養親
事畢始還 朝故資俸俱淺不得開坊由御史遷
給事中出為浙江糧道積勞成病

輜軒歸去又綵服娛親眷戀晨昏不惜芝坊遲晉秩
驄馬馳來更雲帆轉漕崎嶇南北劇憐蕩節太勞人

張恕齋大令輓聯

恕齋官江蘇泰興縣罷官後僑寓吳中不喜乘肩

輿每徒步與親故往還臨歿前一日猶青鞋布襪

自市上歸已薄暮矣及就寢忽感疾一時許卽逝

亦可異也去歲曾訪我春在堂適潘譜琴汪柳門

均在賓主四人二百八十八歲余有詩存集中

同鄉里又同客吳門去年談笑從容揮塵得三人皓首

蒼顏偕過我 傳循良更傳君耆舊晚歲精神矍鑠易

簪前一夕青鞋布襪尚如仙

朱念椿孝廉輓聯

念椿以揀選知縣大挑二等用教諭年五十一而

卒醫術頗精



桂宮高占又雅擅岐黃大衍午華加一算 花縣待銓
竟未膺銅墨冷官資格足三班

胡芸臺觀察輓聯

觀察以麟尹起家官至江南鹽巡道歷署甯藩蘇
臬其兄卽芸楣侍郎也

由鹽鐵琦厯穹官累攝柏薇方冀外臺榮建節 看昆
玉聯翩皇路交輝隸萼忍教伯氏獨吹埙

汪寶齋司馬輓聯

寶齋宦游吾浙僑寓吳中去歲歸湖北擬卜宅武
昌又擬合刻丁鶴年杜茶村集皆未逮也

久客忽思歸滯蘇杭州卅載游蹤去歲梓桑虛卜宅 有
志仍未逮撫丁杜兩家遺集何年梨棗得成書

徐筱雲尙書輓聯

筱雲前年在京寓有菊花並蒂之瑞繪圖徵詩余
亦嘗和之未一年卽有此變亦可歎也

星象折三台東市朝衣補報國恩惟碧血 馨香留萬
古西風老圃豫呈家瑞有黃花

張母周太夫人輓聯

太夫人爲張子虞太守之母子虞以詞臣乞郡兩
署松江府夫人病不能偕往寓居滬上今年署蘇



州府子虞自滬赴蘇甫十二日而訃至矣卒年八十五

大年登耄耄計閏將及九旬滬濱安居方冀長開王母宴
令子出承明領郡兩臨三泖蘇臺暫駐不能再著
老萊衣

廖穀士中丞輓聯

穀士與令弟仲山尚書昆弟競爽仲山甫得請歸
田而穀士沒矣穀士撫浙數年四境無事去浙未
久而衢案起撫藩皆獲重譴令人更切去思矣
君家伯仲是當代郊祁坡老云亡忍使傷神聽夜雨

浙事安危視一身進退召公遺愛豈惟懷舊感晨星

雪舟和尚輓聯

和尚住持南屏淨慈寺曾畫山水四幅見贈

北苑寫春山曾以煙嵐分贈我 南屏看夕照不能雲

水再尋君

傅懋元觀察輓聯

懋元著述甚夥自經翼史徵子衡各種外有唐文

精粹金石集成等書不可勝數及奉 命游歷海

外凡十有一國皆有記述其書益多既還上所著

書奉有書甚詳細之 諭然以道員發直隸竟未



補官丙戌歲在京師相見承欲以師事我未敢當也

舟車游海外歷十萬里而遙聞見瑰奇未盡雄才人其惜
著述進朝端逾一千卷之富中西綜貫謬叨師事
我何堪

世振之廉訪輓聯

振之家京師庚子之變憂念家國鬱陶成疾其官
吾浙也以部轉權廉訪及拜真除則旋卒矣

烽火望燕雲神京艱飢家室飄搖半載倉黃憂北闕
德星臨浙水禹筴理財廉車問俗千秋蘇白共西湖

巢縣楊氏聽事聯

楊吉堂廣文名慶長素不相識踵門求見言其祖
母陳苦節四十年其父善夫明經節口腹具甘旨
先意承志色養無違壽至八十一而終欲余書一
聯懸其聽事以表揚潛德余感其事爲書此聯

惟節母磊落冰霜卅載孀居止如一日事 有孝子艱
難菽水終身孺慕直到八旬餘

俞虞軒中丞七十壽聯

中丞時撫湖南六月十九日生相傳觀世音成道
之日也



仗節鎮三湘與岫嶠古碑並壽 稱觴逢六月從補陀
佛會而來

德清柳侯祠聯

柳侯乃唐柳子厚叔父曾爲德清令柳集所謂德
清君是也同治十年余泊舟城中有客來見余適
不在舟未之見從者問其姓如云姓柳而吾邑故
無柳姓時江子平孝廉蔡瑜卿茂才在余蘇寓皆
邑人也聞之詫曰豈柳侯乎事詳春在堂隨筆及
右台仙館筆記臨上質旁實深寅畏敬題此聯惟
神鑒之

曾讀柳州文治蹟分明於此信 幸叨榜社蔭靈蹤飄
忽至今疑

邵小村中丞輓聯

小村官臺灣巡撫後調湖南謝病歸寓居滬上
絲竹老東山黃歇浦邊大好平泉風景 旌麾照南海
赤嶽城外長留開府勳名

劉景韓中丞七十壽聯

景韓自浙撫罷歸暫寓吳下七月六日其生日也
三吳小住話三竺清游新詩本舊酒痕公眞白太傅
七夕將臨慶七旬初度大富貴亦壽考天賜郭汾陽

聯五
譚仲修大令輓聯

余主詒經講席三十一年自辭退後繼之者爲黃
漱蘭侍郎五閱月而歿又繼者爲汪鯤亭侍郎逾
年亦他就又繼者卽仲修也六閱月而歿仲修工
詩詞頗負時望曾官安徽含山縣令
詞壇耆宿自少知名百里牛刀憐小試 精舍替人得
君爲幸半年馬帳歎俄空

王文敏公輓聯

文敏名懿榮字廉生官國子監祭酒直 南書房
庚子之變充團練大臣京師陷與其妻及子婦同

投井死其在翰林時頗有聲曾請開四庫館有
旨俟會典告成時舉行今恐無計及者矣

銅駝荆棘通國倉黃搏民力以衛皇畿豈僅南齋留碩
望 金井梧桐舉家化碧哭斯人兼悲吾道更誰東觀
訪遺書

彭補勤部郎輓聯

補勤爲剛直第三孫及歲引 見賞主事以助振
加員外郎銜始頗有用世之志以運甓名其齋後
知時事難爲乃歸而以詩詞自娛年二十七而卒
余甚惜之輓以此聯吟香乃剛直舊館也



時事艱難想運甓齋中不無遺憾 天才清妙附吟香
館後定有傳詩

汪南陔大令輓聯

南陔官青浦縣卒於官其父斥青大令亦宰青浦
二十年閒父子相繼亦佳話也其祖小堂觀察乃
余丁酉同年

青浦聽循聲昔日郎君今眾母 白頭悲往事君家大
父我同年

陳辰田明經八十壽聯

辰田乃湖郡同鄉寓居吳門光緒辛丑行年八十

重游泮宮重諧花燭亦佳話也其少時曾客王壯
愨瑞忠壯幕府話辛酉之變甚悉

吳興者宿吳下寓賢白首話前游舊是諸侯老賓客
重掇芹香重諧花燭青廬傳盛事共推平地兩神仙

贈蔡雪筠女史聯

女史以祖歿關外而父又篤病刺血寫經誓迎祖
柩閒關萬里卒成其志遂撤環不嫁長齋奉佛孝
女也亦貞女也余聞而敬之爲書此聯

誓迎祖骨歸來寫經血赤 甘以童眞終老禮佛鐙青

李文忠公輓聯



公臨卒以俄約未定 兩宮未返爲憂或詭言以
慰之乃瞑可謂忠矣

甫四十卽封疆未五旬卽宰輔經文緯武蓋代勲名歷
數寰中盪寇域外和戎力任其難相業巍巍千古少
位三公爲太傅食萬戶爲通侯重地隆天節終典禮惟
是邊警仍殷鑿輿尙遠歿而猶視忠心耿耿九原悲

又

前聯意有未盡再題一聯

一个臣繫天下重輕使當年長鎮日畿定可潛消庚子
變 八旬翁完眞靈位業湖壯歲同游月府不能再逮

甲辰科

羅少耕觀察七十壽聯

觀察時官江蘇糧道兼蘇海關監督

遼海駕雲帆三千里轉漕初歸又向雄關司管鍵 蘇
臺酌春酒七十歲從心所欲便由藩服到封疆

高母裘太夫人輓聯

夫人爲滋園都轉之配笏堂運副之母生於道光
辛丑十一月十一日歿於光緒辛丑十月十二日
年八十一

生於仲冬歿於孟冬因果往來止爭一日異 前以夫



貴後以子貴恩榮終始直到八旬餘

董端生大令輓聯

端生官江蘇靖江縣卒於官余識其大父梓庭吏部曾購余羣經平議百部而去時平議初刻成也憶昔年經議初成文字因緣何幸獲交君大父聽此日政聲卓著繭絲保障果然不愧古循良

謝筱山司馬輓聯

筱山挾錢穀之法幕游江蘇客蘇藩署最久亦諸侯老賓客也其館嘉定時適獲賊數百人將駢誅之筱山察非眞賊言於居停而免之一大功德也

積四五十年以金布令甲起家名滿三吳佐治無慙唐幕職活六七百人於兵火零丁之地澤流百世勃興應比漢于公

潘室畢淑人輓聯

淑人爲濟之太守之配文恭公孫婦也賢而勤濟之甚得其內助之力晚年卜新居親往營度竟不得一日居其奩中物因兵亂盡失一油盒僅存忽失手碎之未幾而病遂不起矣卒年六十二六旬人備歷勤勞最憐卜定新居空費魚軒親相度一品家自安儉素贖有嫁時舊物竟先鸞鏡兆分飛



姚蓮槎明經輓聯

蓮槎乃杭州書局同事亦吾湖老輩也長於余七
歲與先王甫兄同歲生

書局久追陪看此老白髮蒼顏是吾郡一鄉之望 道
山遽歸去溯當年桑弧蓬矢與先兄同歲而生

余晉珮方伯輓聯

方伯以鼎甲起家官至湖南布政使署浙江巡撫
甫半載以疾歸逾年遂卒其官蘇松太道適值庚
子之變調和中外保障東南與有力焉

由鼎甲起家曩時滬上籌防懷遠招攜濱海東南資保

障 歎年庚未暮半載浙中建節事煩食少之江左右

失長城

錢子密尙書輓聯

子密由拔貢起家以尙書直樞廷老病乞歸 賞
食全俸終於里第余與其兄子方同舉於鄉又同
爲曾文正門下士年長於君者三歲書問往來幸
自稱兄焉

君以拔萃起家官尙書參機務食一品俸終其身乞骸
北闕歸來綠野平泉共欽全福 我與哲昆同榜承推
愛僭稱兄歷五十年如昨日回首南豐門下白頭老輩



更有何人

李少梅觀察輓聯

少梅乃眉生廉訪嗣子寓吳下蘧園有泉石之勝

其卒也以壬寅正月元旦

為名父子主領名園兜率海山遽歸去 於正月朔考

終正寢屠蘇春酒太悲涼 據史記正義正月之正以避

古讀如

字也 王松坪大令輓聯

大令以孝廉官直隸知縣其八歲時能解說論語
戒之在得語微諫其祖人以神童目之宰宣化時

寇大至城無兵乃多張旗幟且於各旅店門上大
書紅紙題曰某某統領行臺賊疑援兵至竟不敢
犯

誦先聖既衰戒得一言大父解頤八歲神童徵慧業
法古人多鼓鈞聲之意疑兵誤敵千秋上谷仰英風

江南提督質堂李公祠聯

咸豐初廣西李沅發叛公即在行間有戰績後隸
曾文正公部下自兩湖而至江浙無戰不與積功
至提督 詔於原藉及立功之地各建專祠此其
原藉所建也

自西粵從軍爲始歷湘皖江浙所在有功百戰勛名登
國史 是南豐特拔之才與左李彭楊一時並起千秋
祠宇壯鄉關

寶母張太恭人輓聯

太恭人爲甸膏大令之母去年七月大令爲豫祝
八十壽實七十有九也今年正八十而太恭人正
月遽卒時大令宰武進方大濬河道工未畢以憂
去輿論惜之

八秩豫稱觴尙期乞巧樓頭萱壽重逢今歲再開瓜果
宴 千夫方荷鍤何意惠民渠畔瓠歌未唱一朝頓廢

蓼莪篇

吳清卿中丞輓聯

清卿以翰林起家官至湖南巡撫工篆籀嗜金石
嘗於秦中得玉琯長一尺二寸受一千二百黍定
以爲古黃鐘管凡言黃鐘管長九寸者皆誤所言
頗近理余有長歌紀之同治初余主吳下紫陽書
院君爲肄業生今君已古人而紫陽書院規模亦
大變矣

詞臣雄領封圻尙將古尺評量白玉考求真律琯 老
我感懷今昔不獨故交寥落紫陽非復舊巢痕



書此聯已意有未盡又題滿江紅詞一闕

同治初元正大亂削平區宇有吳下紫陽一席皋

比叨據文采風流吾及見升平景象今猶慕算兩

年黃卷共青燈人文聚四十載猶朝暮一轉瞬

成今古歎故交零落不堪重數闕下尚書應白髮

謂陸鳳石尙書湘中開府俄黃土賸龍鍾八十二齡翁悲

前度

孫師母趙夫人輓聯

夫人為余房師孫文節公之配今年二月二日卒

年七十有七子孫零落僅嗣一曾孫而已

封膺一品壽近八旬玉樹階前幸有曾孫小蕭愿節

屬中和天歸兜率絳紗帳外尚存下士老彭宣

林室侯夫人輓聯

夫人年四十一始歸林少穎太守為繼室年四十

九而終其生也以十一月十一日其卒也以十一

月十二日亦似非偶然也

四十一年嫁四十九年終雖然大衍虛奇已算唱隨同

艾髮旬有一日生旬有二日卒等是仲冬中浣請將

消息問梅花重兩一字然紀實之語不能改也

姚竹安封翁輓聯



中国国家图书馆 NATIONAL LIBRARY OF CHINA

竹安以子菊坡官翰林院待讀學士封如其官年七十三有曾孫四人矣於三月二十八日卒

芝誥晉清班高年又越古稀三黨艷稱爵齒德 梓鄉

娛晚景愛日竟隨春去一堂哭拜子孫曾

吳季英部郎輓聯

季英為故人曉帆方伯之孫今年感時疾與妻女

二人相繼而逝

紀羣累代之交昌黎又哭殿中君墓草已看三世宿

梁孟同時而逝摩詰兼攜月上女天花還是一家春

惲菴中丞輓聯

昆陵惲氏分南北二派 本朝有三巡撫一為吾

師薇叔先生一為次山同年前輩一即君也君為

薇叔先生猶子開藩吾浙有年及升巡撫止七十

餘日奉諱去然其藩浙多善政次山同年之撫湖

南祀名宦祠君將來或亦同之也

南北派分支以後入本朝節鉞有三人政績相望豈惟

湘水千秋留召棠遺愛 東西浙宣化多年逮暮歲封

疆無百日設施未竟不僅曲園一叟感孔李私交

朱蘋華大令輓聯

蘋華以庶常改部自請以知縣官江蘇去歲有相



士勸其留鬚謂必可得缺乃竟無驗舊嘗肄業紫陽書院故於余執弟子禮曾製山轎見贈

起家翰苑屈爲百里才憐君撚斷吟髭未得除書拜黃紙同客蘇臺謬叨一日長怕我折殘屐齒曾爲游具

製藍輿

藍輿之籃從艸本王右丞藍輿白衣之對

陳室胡宜人輓聯

宜人爲陳辰田明經原配年八十五而終去歲成

婚六十年行重諧花燭之禮一時豔之

胖合逾六十年百歲期頤讓夫壻考終完九五福一

堂躡踵有孫曾

朱修庭觀察輓聯

修庭自幼能文應縣府及院試皆第一人稱小三

元官吳下數十年不廢嘯詠著雙清閣詩初二集

若干卷所居有園林之勝往歲曾招鬚者四人共

飲賓主皆鬚名曰五鬚會云

服官卅餘載仕學兼優雙清閣遺詩手稿已編初二集

卜築十數楹園林最好五鬚仙高會頭銜還帶小三

元

戴美含七十壽聯

美含居休甯之隆阜有園曰仿陶極園林之勝集



諸名人題詠刻成一集今年其七十生辰也乞余
以一聯爲壽言其少時曾執轡來見蓋五十年前
事余久不記憶矣

小築日仿陶集名流數百首新詩爲此地長留風月
前游曾訪戴是老夫五十年舊雨願與君同到期頤

盛旭人侍郎賀聯

侍郎今年八十有九八月十三日生日先一日爲
弟四郎君萊菔授室猶止十四歲也而是歲補行
庚子正科又爲侍郎重宴鹿鳴盛事書此賀之

預舉九旬觴十四歲佳兒笑攜鴛侶拜 將交八月望

三五夜良會重奏鹿鳴篇

汪室吳夫人五十壽聯

夫人乃柳門侍郎之配四月十九生日柳門曾祖
亦以是日生家人謂與太陽同生日蓋是日俗傳
太陽生日也

大衍祝齊眉距觀世音誕降恰三旬佛國分來無量壽
小君尊敵體記曾王父覽揆同一日大家都慶太陽

生

德清白雲橋聯

亦名雲塘橋未知建自何年雍正間重建李敏達



有碑今又重建爲題橋柱嘉慶四年進士陳斌字
陶鄰有白雲文集時稱白雲先生卽其地人也

天目山兩乳雙來鳳舞龍飛到此始成大結束 雲塘
橋百年重建虹腰雁齒於今再煥舊規模

又

一方水利攸關讀敏達遺碑豈止通津便舟楫 百歲
風流未沫近陶鄰故里應教比戶盛弦歌

任筱沅中丞賀聯

中丞今年八十生辰於九月十三日爲其第九郎
君子木授室所娶乃李文忠幼女也書此賀之卽

以爲壽

雁來秋九月恰好新郎行第班列九人九十其儀向相
門引鳳 龍興廿八年欣看元老精神壽登八秩入州
兼督卜尙父飛熊

包纘甫輓聯

余與具曾大父虎臣孝廉交及君四世矣君工大
小篆吳窓齋中丞後未見有出其右者以微員需
次吳下而卒甚可惜也

泰與曾大父游吳苑逢君倍憐我老 妙得古籀史意
窓齋逝世又失斯人



趙卓士從孫塤輓聯

卓士今年就湖北學幕抱病而歸小愈來蘇州見
我於春在堂卽辭去就試秣陵未及試卒於客舍
余兄子履卿孝廉遺二孤女皆余爲遣嫁長者歸
洪氏今年以疾卒次卽適趙氏又抱未亡之痛何
皆不幸之甚也

一握手從此長辭歿於建業病早在武昌來去怱怱如
大夢 兩從孫同時遭嫁姊竟黃泉妹亦悲白首因緣
草草只三年

吳子薇司馬輓聯

子薇年六十三於八月十四日卒其六十歲時有
自壽詩和者頗眾

六十歲高唱陽春錦字鈔來正擬和章徵海內 三五
夜待看明月玉樓歸去未能佳節賞秋中

盛旭人侍郎輓聯

侍郎福壽爲同輩中所希有共知爲常州待雲庵
和尚轉世也年八十九而終若待至明年卽可

奏請重宴 恩榮矣

富貴壽考媲美郭汾陽五戒是前身自合三生兼福慧
兜率海山送歸白太傅九旬虛一歲未能兩度宴恩



榮

都韶笙大令輓聯

韶笙桐鄉人江蘇知縣生於咸豐四年六月十九
卒於光緒二十八年六月二十三

游宦到三吳桐樹涇邊懷舊隱 去來皆六月蓮花香

裏證前身

林質侯觀察輓聯

質侯曾權知蘇州府事臨終語諸子曰吾無宦囊
惟以清白二字貽汝

易簣有遺言惟願子孫矢清白 守蘇曾小試常教父

老話龔黃

沈毅成庶常輓聯

毅成始官水部繼入翰林竟以庶常終不散館亦
奇士也精通釋典著有報恩論一卷卒年七十三

由水部入詞林以庶吉士歸田在認啟單久推前輩
因儒書通釋典逾古稀年證果有報恩論長壽名山

周笠西同年輓聯

笠西名樂湖南人今年 奏請於明年癸卯正科
重赴鹿鳴筵宴者余之外有周君及江南張君丙
炎二人乃至六月而周君殂謝承以同譜之誼赴



告於余寄此聯輓之

六十年前與君同譜荏苒至癸卯正科其福在太傅文忠之上 四千里外報我噩音約略檢甲辰小錄並世惟清河學士猶存

潘譜琴庶常輓聯

譜琴爲相國文恭公之孫以庶吉士罷歸巾褐蕭然與寒士無異每與余商推小典故孜孜不倦精製肴黠時承分貶居在石子街時相過從二十餘年吳中老友也

宰相文孫依然儒素翰林老輩尙有典型遙遙十九科

前回首望玉堂天上 郇厨精饌每荷分頒鄴架奇書常勞代檢歷歷廿餘年事傷心過石子街頭

陸春江方伯配王夫人六十壽聯

夫人於十二月八日生方伯曾護巡撫印

六秩啟華筵恰好良辰過臘八 三吳開幕府再來使宅祝秋千

王復卿明經輓聯

復卿爲菱湖鎮龍湖書院監院今年正月望院中有禮事猶出而主持越三日遽卒蓋其宿疾已深也時有廢書院之議余曾主是席三十三年不能



無今昔之感故於次聯及之

人驚鶴馭太恩忙元夕畱連三日光陰俄已矣 我為
龍湖長歎息老成凋謝百年壇坫竟如何

程母表太夫人九十有二壽聯

夫人為程輔堂大令母有四子五孫六曾孫三月
初十日其生日也大令時權知德清乞書此聯

官舍大排當律中姑洗節屆清明壽母九旬晉二部
民工頌禱年過百齡堂羅五代賢侯一歲遷三

宜興程氏祠堂聯

此亦輔堂大令乞書自言先世由徽州遷宜興與

二程子有別二程子出二十六房其族則出二十
七房蓋同源而異派也

自休父得姓以來與伊川明道並振家聲一樣門楣匹
純正 從新安移居到此於陽羨義興大開祠宇千秋
福祚逮雲仍

蘇州新建李真人廟聯

真人名育萬字空凡元至大時人年三十二坐化
建廟龍潭遺蛻猶在屢著靈異 本朝疊加廣濟
宣威靈應封號同治中頒有仁德感應四字額其
廟舊有仙方分九科共七百五十方服之有驗蘇

州府向子振太守因吳中多疫特建是廟余爲題
此聯

五百年元氣長鎮龍潭祀典昭垂四字褒題頡御墨
數千里靈旗遠臨鶴市神方普錫九科妙劑拜仙丹

陳母王太恭人輓聯

恭人爲陳藍洲大令之母藍洲以湖北知縣陳情
歸養有年矣客臘與余書但言目力稍衰起居尙
無恙不意越數月而長逝也卒年八十四已有曾
孫

八秩又四齡近時目力稍衰見說起居如往日 一堂

蔣五代有子宦情素淡歸來侍養已多年

錢室蕭夫人輓聯

夫人爲錢怡甫觀察之配生於道光二十八年七
月三日歿於光緒二十九年四月九日

乞巧前四夜披雲錦衣來想見宿根由慧業 浴佛後

一天到波羅蜜去遙知證果在靈山

譚季文中翰五十壽聯

季文乃湘撫次山同年子慷慨有大志且喜爲詩
以援貢生官內閣中書以母戴夫人老故不出也
爲名父子奉母家居荏苒年華已到蘧大夫五十歲

負經世才以詩見志激昂意氣儼然陳同甫一流人

宋氏祠堂聯

祠在西湖卧龍橋畔乃裏六橋之一也

溯從壯武公後代有傳人開元宰輔天聖狀頭卓犖大名滿霄壤爰於新小隄邊聿興祠宇曲港金沙長橋玉帶蔥蘢佳氣到雲仍

山塘李文忠公祠聯

有 詔立功省分皆建專祠蘇州建於山塘為題此聯

鍾閱氣龍文虎武由潛嶽降神千秋又見臨淮李 奏

元功北旆西旌自蘇臺發軔四境長留召伯棠

王同伯比部輓聯

同伯以進士官刑曹奉母家居遂不出余主講誥經曾來充監院去歲余至西湖猶訪我於碧霞西舍也

壯歲策名北闕榮列白雲司廿載棲遲洛社高風留故里 去年訪我西冷清談碧霞舍一朝凋謝湖樓舊雨失斯人

柴功甫大守輓聯

功甫白手起家仕吳下以知府候補年八十五而



終有子七人孫十三人曾孫五人

卅載宦三吳福祿壽俱高喜登仕版二千石 一堂羅

四代子孫曾咸集哭拜靈筵廿五人

福州吳興會館聯

福建省城新建吳興會館同鄉諸君屬題此聯

千里到榕城好領畧丹荔黃蕉風味 一樽話茗水最

難忘白蘋紅蓼汀洲

吳希玉大令輓聯

大令爲余孫陞雲鄉榜同年後成進士以知縣官
江西罷歸貧甚年六十六而卒幾無以爲歛亦文

人之薄命者將卒前五日猶來見我於春在堂云
六旬翁鄉舉附孫行五日之前猶見我 百里宰家居
以窮死一官如此最憐君

廖仲山尚書輓聯

仲山由翰林起家官至禮部尚書引疾歸因其先
德曾致力於路史一書未卒業與其兄穀似中丞
共成之年六十五而卒余孫陞雲應 朝考受其
知庚子之變同在京師可謂相從於患難者矣

叟尚書之履歸卧鄉園與阿兄撰著名山不憚辛勤成
父志 逾耆壽而終共推全福憶吾孫追隨京國正因



憂患見師恩

許菊圃喜聯

杭州許氏爲浙西望族世所稱七子登科者菊圃
之大父行也九月十三日完姻書此賀之

節序過重陽喜見菊花開竝蒂 科名繩七子先將萱

章祝鮐男

餘杭縣文昌閣聯

在縣城東南明萬曆年建閣圯又新之邑人乞題
此聯大滌乃其邑之名山也

溯前朝建造以來日啟離明每見奎光騰六府 自大

滌鍾靈到此地當巽位長留傑閣鎮千秋

汪母黃太夫人輓聯

太夫人爲耕餘觀察之配耕餘宰嘉定時夫人曾
置紡紗車數千具頒賜民間教之紡紗至今藝利
及其長子鈞官河南鄆陵令值河決夫人又助之
振 詔以樂善好施旌其門

撤瑱振中州帝用褒嘉豈止歡聲騰赤子 鳴機課窮

巷民資樂利允宜祀典配黃婆

陸立盦庶常給假歸娶賀聯

庶常名鳳儀登第後完姻年二十四鄉會聯捷



給假賦催妝勿徒盤說隨園好同符吳縣文恭與溧陽
文靖 聯科登上第更喜妙齡弱冠待異日瓊林重宴
卽花燭重圓

章式之刑部賀聯

式之捷禮闈分刑部乞假南歸親友聚賀是日爲
十一月十二日距冬至六日乃其母夫人生日也
京國賦歸來慈壽欣當日南至 山堂精考索清班應
屬魯東家

彭贊臣庶常輓聯

贊臣名世襄光緒癸卯以庶吉士假旋到家卽卒

相傳爲湖北某郡城隍不知何所自也其家以會
試墨卷與赴狀同投亦可悲矣

衣錦喜榮歸俄傳吉士頭銜寫入縉雲新記 報羅鶯
大去堪歎長安行卷附來齷齪哀詞

聶仲芳中丞五十壽聯

中丞四十生日余曾以一聯爲壽今五十矣適撫
吾浙因又贈此

憶四旬初度曾獻一聯在苒閱十年虎武龍文滿中外
際二月仲春欣開六表謳歌聽兩浙吳山越水共高

深



蘇州省城浙江會館聯

蘇城向無浙江會館今始有之題此以落其成
從吾浙挂席而來歷四百里津梁亭堠到此名區閭閻
殷富山水清嘉開拓心胸知幾許 登斯堂舉杯相屬
合十一郡文物衣冠成茲良會襟上酒痕袖中詩本流
連風景意云何

劉母楊太夫人輓聯

太夫人爲劉口口大令之母甘肅河西縣人其地
素產布太夫人自少卽以紡紗織布爲事及大令
官江蘇就養署齋依然布素也聞鞭笞聲輒不樂

每勸大令虛心研鞠勿事刑求誠賢母也

布帔不嫌麤從前窗下鳴機常自絲絲縑吉貝 蒲鞭
猶覺重此後堂前聽訟更誰絮絮問平反

陳辰田明經輓聯

辰田年八十時重諧花燭重游泮水余曾以一聯
壽之年八十三而終少於余一歲

六十年重諧花燭再掇芹香喜今五福俱全如此完人
能有幾 八旬翁已越三齡未登九秩歎我一年差長
可知來日亦無多

沈羲民同年九十壽聯



義民甲辰副榜丙午舉人歷宰江蘇大縣兼精醫
光緒甲辰年九十歲至後年丙午則重宴鹿鳴矣
是名宦是名醫是名孝廉後此一科小雅笙簧重宴樂
又同鄉又同年又同寄寓長吾六歲先生杖履倍精
神

翁叔平相國輓聯

公之歿也奏入報聞昔白香山卒或爲請諡上曰
何不取醉吟先生傳看竟不予諡上聯亦微有寓
意

白傳一篇醉吟傳 綠園兩代帝王師

贈張真人聯

真人名元旭字曉初以事至蘇乞書此聯

於仙佛外別開一派 從漢唐來自有千秋

留園戲臺聯

十餘年前爲園主人盛旭人侍郎書久不記憶有
游留園歸者爲誦之補錄於此

一部廿四史譜成今古傳奇英雄事業兒女情懷都付
與紅牙檀版 百年三萬場樂此春秋佳日酒坐簪纓
歌筵絲竹間何如綠野平泉

向子振觀察六十壽聯

子振時官雷瓊道適有土寇犯境擊卻之
數百里疆宇又安尋海瓊子葛仙游迹 六十歲精神
強固播漢將軍向寵威名

周伯英姨甥女輓聯

伯英歸張氏其夫亡支持門戶保守田園頗於張
氏有功其父周君雲笈余之僚壻其母乃姚夫人
之伯姊也故自其六七歲時余卽見之然今年亦
七十三矣

憶幼時婉變出拜情景非遙荏苒歲華成老病 歎年
來撮搨持家田園無恙艱難祖業付兒孫

蘇州元妙觀祝 釐公所聯

光緒三十年十月恭逢

皇太后七旬萬壽蘇州士大夫以元妙觀爲祝

釐公所屆期咸集舞蹈趨踰躡旅小臣亦與瞻拜敬題

此聯

溯聖朝定鼎以來從順治而康熙雍正及乾嘉道咸同
光文謨武烈造成百代丕基尙賴

皇太后日新日日新玉律金科皆有敘

就蘇郡提封之內合吳縣與長洲元和暨崑新常昭江
震白叟黃童羅拜七旬壽宇並祝



聖天子萬歲萬歲娥臺似幄共無疆

公所閱殿一聯不足再獻數聯

重翰重光尊二聖 十月十日祝千秋

北闕奏笙簧悉稟嫺皇聖製 南邦采芝朮最宜泰伯

遺封

慈壽慶七旬七始七元七百年重開景運 良辰逢十

月十風十雨十千耦共樂綏豐

良月月眞良催回大地祥和一曲陽春調律琯

小春春不小勝似滿城桃李三旬花樣豔宮袍功令文武官穿

麟袍一月

費岷懷太史暨徐宜人五十雙壽聯

太史生日適逢家忌九月十八日宜人生日也弧

輓並陳書此爲壽

成紀安喜合爲百歲 長生久視補作重陽

唐權德輿封成紀縣伯妻封安喜縣君有詩見本集上聯用此唐懿宗歌云長生白久視黃同拜金

剛不壞王並菊花名也下聯用此費氏懸此聯於聽事見者多不解聊識於此

曾母丁太夫人輓聯

太夫人之歸於丁氏也自匿其年三歲故今年九

十實則九十三矣蓋蘇俗然也其生於九月三日

其卒於八月二十七日是月小盡距生辰五日耳



計閏作三年援昔賢官年之例又實增三年雖欠四齡
亦人瑞 設悅當九月至今歲壯月而終已將交九月
再遲五日卽生辰

沈問梅贈君輓聯

君行年七十其次公子梅觀察自津門馳歸甫舉
壽觴卽捐賓館君宰吳江時余託其購求雪港沈
氏 昭代叢書故其卒也書此輓之久不存稿而
其長公旭初觀察尙能誦之因補錄焉

七秩甫稱觴洛社春深有子津門旋宦轍 十年重感
舊吳江楓冷煩君雪港訪遺書

沈芳衢孝廉賀聯

芳衢由副榜中式故首聯云然此聯亦失記乃翁
旭初觀察屬補錄之

兩度游月宮符君家故事 一飛到霄漢乘來歲春風

姚訪梅都轉輓聯

余前寓天津始與君識今四十餘年矣自營生壙
在嘉興城外頗有邱壑榜曰又一村

湖從前同寓丁沽四十年來喜見高門侔萬石 想此
後重經丙舍又一村裏長留佳氣到千秋

李勉林制府輓聯



公以諸生從戎官至巡撫薨於兩江署任時各國
賠款改銀爲金公易簣前旬日猶會商各督撫合
詞電達外務部請其力爭惜未之從也

范文正起自秀才白首建高牙正爲長江嚴管鍵 寇
萊公力爭歲幣黃金擲虛牝誰憐中土竭脂膏

沈氏節烈坊柱聯

德清縣學生沈寅恭妻周氏夫亡守節以節婦旌
副貢生沈寅禾妻馬氏徇夫而死以烈婦旌二婦
乃娣姒也合建一坊余題其柱

十載兩旌門節與烈並達九天壺史修二賢合傳 一

堂雙築里姒及娣並堪千古家風振八詠清聲

孫仁甫明經七十壽聯

君生於十二月初七日其家富於藏書乾隆間開
四庫館呈進書籍甚多

爲古稀翁豫祝百年先賜八日敬舉壽觴共傾新釀酒
願中興朝重開四庫與天一閣同修故事再進舊藏
書

台州彭剛直公祠聯

台州民金滿字玉堂素豪橫有周孝侯風頗爲鄉
里患剛直憐其才招致麾下授以右職積功至守



備玉堂感念舊德卽於其鄉創建公祠命子孫立
祀之公之破格憐才玉堂之感恩報德皆可傳也
故題此聯以落其成

感當年白髮尙書費一片婆心招得英雄侍鞭弭
看此日赤城勝地崇千秋廟貌留將俎豆鎮溪山

蘇州府署閨園聯

郡署東徧舊有一園有桃鳴竹籥諸勝名之日閒
取樂天詩意也余婿許子原守是郡稍修葺之爲
題此聯

本黃歇故封雄開劇郡士民殷庶財賦豐饒賴有小園

林借半日光陰稍談風月一用白詩遺意肇錫嘉名桃
鳴春朝竹籥秋夕惟願賢太守與三吳父老共樂寬閒
沈旭初觀察謝夫人雙壽聯

觀察與夫人同於正月十三日生夫人年五十觀
察則六十有八準功令計閨九十七可作一百
則六十八可作七十矣

蓬山仙眷一日同來預支佳節元宵賞此十三風月
柳絮清才五旬未老請計先生閨歲合成百廿春秋

劉景韓中丞輓聯

中丞前在天津與大兒同官甚相得後撫浙坐疆

事免

疆事處萬難青史應留公論在 交情聯兩世白頭殊
歎故人稀

徐孝女六十壽聯

長洲縣屬永昌鎮徐氏女名淑英以孝 旌父名
佩藻字子芹臨歿時語女曰汝弟尚幼汝能不嫁
爲我撫之乎女曰諾父以田三百畝予之女遂不
嫁持家撫弟弟既成立娶婦且入學矣其父素有
意欲立義莊而田止五百畝因循未果女以父所
予三百畝益之又歷年節省續購田二百畝合成

一千畝建義莊以成父志光緒三十一年女年六
十歲戚黨嘉之爲徵壽言

成父志以一千畝建立義莊綽楔高標東海望族 守
女貞至六十歲撫成弱弟環瑱長壽北宮嬰兒

劉仲良制軍八十壽聯

公會撫吾浙四月四日其生日也

浴佛前四日先瞻南極壽星共拜東坡北斗 去浙後
廿年尚有西湖舊雨寄懷謝傅東山

郭穀齋觀察輓聯

余與郭氏世有淵源君之祖乃先大夫同年也余



從孫劍孫以丙子舉於鄉君又適爲內監試余孫
應經濟特科取一等君之子侍郎君又爲閱卷官
今歲君年七十有六以金衢嚴道署臬司而卒
居八旬耄耄之年霜柏外臺留得召棠古遺愛 統四
世淵源而論雲萍小錄感懷孔李舊通家

劉吉園總戎輓聯

吉園以武童從軍首破小池口賊壘遂知名曾從
事左忠襄甘肅軍營後爲楊石泉中丞調至吾浙
署定海總兵補温州總兵其統帶省城防軍也頗
有榮績杭州水星閣存貯火藥甚多君於四圍厚

築垣及後火藥局災而居民不傷此一事杭人至
今感之其時俞樓亦頗震動也

小池口破賊以來復九江復安慶功冠戎行及內地肅
清金城郡匹馬長征轉戰更經邊徼外 兩浙間倚公
爲重鎮定海鎮温州望隆專闢卽會垣防禦水星閣崇
墉高築小樓亦在保全中

譚文勤公輓聯

公在同治初以御史上一封奏頗稱 旨後之大
用由此也及撫陝值大無公先在藩司任積錢粟
無算他省皆紛紛請振而陝寂然或疑其膜視不



知其備之有素也公訪余湖上言此甚詳公自杭州府遷豫臬以去不十年撫浙惠政甚多而修復文瀾閣及鈔補四庫全書士林尤稱頌焉在浙適逢六十生日余以文壽之今聞公訃寄輓此聯

同治初密陳一疏宗社攸關及開府秦中活萬戶災黎不待泛舟有仁粟 臨安郡小別十年封疆坐領憶清尊湖上祝六旬初度正當傑閣建文瀾

劉仲良制府輓聯

公由浙撫遷川督與洋人齟齬罷歸今年四月八十生辰余寄一聯壽之公手書報謝乃至七月以

微疴遽卒八月朔始由郵局遞到前書亦可歎也

兩川拋玉節拂袖遄歸疆事艱難且領取十年林下樂
八秩醉瓊筵投杯仙去郵筒遲滯猶傳來四月紫頭書

費昶懷太史輓聯

太史甫留館卽放浙江副主考喜談古義所取各卷多主公羊家言撤棘後亦毀譽參半今年五月訪我春在堂坐談良久未幾以洪昉思歌版見示余賦二絕句而歸之不謂其微疾遽卒也

詞曹一出便主持浙水文衡高坐棘闈談古義 小別



四旬尚傳示洪家歌版驟聞蒿里發哀音

湯室周夫人輓聯

夫人爲味卿大令之配大令乃余門下士吳煥卿
在浙充鄉試房官所得士也夫人因其子以知府
官江蘇從宦至吳而卒

封能勗兒曹方期多子多孫兩老遐齡登耄臺 弋鳧
相夫壻深惜門生門下百年良佐失姬姜

馮仲梓廉訪輓聯

仲梓自幼家貧恆食粥後官陝西臬使署藩司適
兩宮西狩臘八日 賜粥食之是夕中風四肢不仁引

疾歸感時事多艱輒歎息流涕病中於東三省之
事尤憤憤云

顏魯公食粥不諱言貧晚歲恩榮臘八日寵頒新玉粒
賈太傅憂時可爲流涕病中憤懣東三省泣念舊金

湯

潘室孔夫人輓聯

夫人爲潘築巖太守繼配其來歸也甫合盃卽眩
仆於牀賀客皆驚散卒於乙巳年八月十八日則
其年亦四十有二矣

却扇便驚心憔悴姬姜喜過四旬還益算 鼓盆重隕

涕淒涼夫壻忍教八月再觀濤

善伯封翁輓聯

翁名恩元曾奉 旨馳驛赴都將軍營時稱異數
後厯知秦中劇縣皆有聲晚年以次子仲萊閣學
官泰甯總兵 賜教忠裕後額其餘子孫亦皆貴
顯余識其長公召南觀察余孫陸雲以朝考受知
於閣學云

卅年來馳傳從軍特膺異數鳴琴治縣大起循聲晚因
賢子推恩鳳闕星雲頌御墨 一門內龍文虎武中外
知名杞梓蘭蓀後先濟美私喜吾孫徼幸鯉庭桃李被

清陰

湯母葛夫人輓聯

夫人爲塾仙庶常之母家貧不役婢媪躬自操作
常一手抱兒一手治事年二十有六產塾仙臨蓐
五日而始生緣是得暈眩之疾久而不瘳竟以此
卒然年已七十六矣

二十六得病七十六告終慈壽已高寤生原不驚姜氏
一左手劍兒一右手治事劬勞實甚遺像長教泣稔
侯

羅少耕觀察輓聯



少耕曾充出使日本大臣隨員爲橫濱領事官旋
蒙 記名候簡出使大臣後官江蘇糧道兼蘇海
關監督以病乞休終於蘇寓

星槎奉使日窟從公方期重任躬膺域外遐探大瀛海
漕節巡游雄關坐領何意微疴引退吳中虛築小行

窩

陸蔚庭太守輓聯

蔚庭乃心農同年之子成進士入詞林 簡放江
西湖北副主考官至河南汝寧府知府在任八年
兩次蒙傳 旨嘉獎

花轍接武棘院衡文真不媿六十年狀元門第 八載
賢勞兩回嘉獎最難忘二千石太守循良

王止軒太守輓聯

止軒入詞林未得一差以知府仕中州未得一缺
遇亦蹇矣然身後所遺著述甚富臨歿自撰輓聯
猶及之其弟子詒以母病請以身代遂投月湖死
世稱王孝子及止軒歿妻陶氏仰藥死柩側亦以
烈旌

讀中祕未司文柄請外任未緝郡符廿載長貧空有芬
芳留藝苑 昔弱弟以殉孝亡今令妻以從夫死九原



相見大堪焜耀在泉臺

李鴻渚封翁輓聯

君德行信於鄉里其鄉有二次以微故釀械鬪之
禍皆得君片言而解庚子歲夢至一處山水清淑
園林疏曠宮室巍然中有虛位及乙巳夏又夢至
其處自知不久明年丙午正月遂卒其子鐘鼎欲
乞余一言因力疾書此聯

閩里爭訟取決一言是真長者 堯率海山竟歸何處

君其仙乎

任筱沅中丞輓聯

中丞以拔貢生官至浙江巡撫在吾浙頗有聲謝
病歸年已八十寓吳下時相過從今年正月二日
猶親來賀歲其精力固未衰也越二十日竟捐館
舍殊令人悽惋也中丞父爲先祖甲寅同年以行
輩論蓋長於余云

由拔萃起家躋厯封圻兩浙聞頌聲至今猶在耳 歎
新正賀歲尙勞車騎百年前世誼此外更無人

憚母戴夫人八十壽聯

夫人爲憚次山中丞之配生於五月十三日於四
月二十四日豫祝夫人頗工文墨老年無事喜以



樗蒲消遣

從八旬曼衍開上壽期頤彩格歲編金葉子 借四月
清和支圓端陽家宴綺筵人戴石榴花

陳鹿笙方伯八十壽聯

鹿笙官蜀藩曾攝川督壬寅歲守城有功曾繪衣
冠巷戰圖余有詩紀之及罷歸以曾官杭州太守
卽寓於杭今年八十書此爲壽

節麾五千里歸到白蘇隄壇站司盟前太守 杖履八
十翁大開黃綺宴衣冠巷戰老英雄

又

撰前聯後又知方伯生於六月今於四月中旬豫
祝其長子幼鹿觀察年亦六十矣橋梓同慶洵佳
話也又撰此聯命陸雲寫寄

衣冠巷戰歸來小住明湖屆耄壽八旬看令子六旬舞
綵 琴劍宦游舊地大開盛會先誕生兩月卜良辰四
月稱觴

彭景雲孝廉輓聯

景雲乃剛直公第四孫也 欽賜舉人負美才中
年菱謝三黨惜之

一枝桂從丹鳳銜來清才竟以孝廉老 千里駒惜季



騷化去哀淚重爲剛直揮

胡效山觀察輓聯

效山以進士官至陝西延榆綏道謝病歸就養吳
中少年時文名頗盛在都下以授徒爲業門下多
貴顯者今溥玉岑尙書卽其一也余與其令叔廸
甫君爲庚戌同年故與相識易簀前一月猶過我
春在堂以所選西湖詩錄求序也

都下播文名數年來宦興久闌回思問字人多猶有尙
書留北闕 吳中尋世好一月前吟筇小駐爲報選詩
功竟已堪小集訂西湖

胡室楊淑人輓聯

淑人爲志雲太守之配卽效山觀察子婦也先效
山三日卒志雲適以海運事留滯京師聞病乞假
歸則已不及見矣

先阿翁三日游仙仍向九原侍饌 催夫壻重洋歸棹
空勞一慟凭棺

陳鹿笙方伯輓聯

君在成都有衣冠巷戰圖事已見前余自君守溫
州時相識垂三十餘年今年君自知不起五月二
十八日口授一書與余訣并贈五絕句又寄示絕



筆詩七律十首是月小盡至六月六日而卒僅聞
七日耳

傾蓋後逾卅年欣看一劍指揮直把狂瀾三峽挽 易
簣前僅七日猶有五詩投贈并傳絕筆十篇來

贈陶星如聯

星如名洙常州人爲陳小石中丞幕客長於丹青
爲余寫真甚肖

杜少陵諸侯老賓客 王摩詰前身一畫師

陸母郭太夫人輓聯

太夫人爲陸申甫糧道之祖母年八十六而終已

有元孫五人矣

距九秩止四齡藕節延年計壽又加兩閏歲 羅一堂
將六代麻衣披淚拜賓已有五元孫

憚母戴太夫人輓

太夫人爲次山中丞繼配今年八十生日余以一
聯壽之已錄於前矣夫人豪邁有丈夫風自號洗
蕉老人其家有老櫟一株故有櫟存草堂額余所
書也

大家軌範豪有丈夫風四坐聽高談豈止庭蕉閒自洗
極品榮封兼享耄期壽八旬開綺宴猶祈園櫟老常



存

易笏山方伯輓聯

駱文忠公之督師入蜀也檄君募鄉兵二千以從
途與石達開大股賊遇或曰無與我事可避勿擊
君曰天下之賊當爲天下殺之庸可避乎而眾寡
不敵與戰小挫君於象鼻嶺下解鞍踞地坐賊莫
能測竟引去時湘軍防寶慶未防澧賴此以全湘
人至今感之後仕至江蘇布政司引疾歸愛廬山
之勝築室名琴心樓竟卒於此臨終衣冠端坐而
逝亦奇人也

早歲募一軍以出使關湘澧安危象鼻嶺前箕踞平原
酣戰後 晚年後五老而游竟在匡廬歸去琴心樓上
衣冠危坐考終時

汪小樵封翁九十冥壽聯

冥壽俗例也然顧亭林丁貢士熊飛亡考生日詩
則名人集中亦有之矣小樵汪君爲余老友道光
戊戌己亥間與同讀書於杭州考寓今歲存年九
十矣其嗣君鮑亭侍郎敬營齋奠余爲題此聯
回思明聖湖邊六十八年前鐵硯互商文字 遙想大
羅天上九洲三島客玉樓同拜神仙



聯五
嵎縣金氏養老堂聯

堂中額養老者一百人籌備經費至三萬緡有奇
乃金君祿甫承其父孔昭君遺意而成之者也

龐眉皓首聚至一百人饘於是鬻於是矍鑠同堂良亦
熙朝小祥瑞 仁粟義漿積成三萬貫父作之子述之
拮据兩世允稱菩薩大慈悲

杭州然藜集惜字會聽事聯

萬事萬物皆由文字留傳寶貴真堪同菽粟 一點一
畫可見圖書精蘊零星何忍委泥塗

王爵棠中丞輓聯

中丞由監司起家以文員從軍官至廣西巡撫充
出使俄法大臣彭剛直公會以誠正篤實薦著有
國朝柔遠記余爲之序

長於軍旅又擅使才經濟文章請讀聖朝柔遠記 起
自監司疊膺疆寄誠正篤實曾登剛直薦賢書



楹聯附錄

集秦篆

釋山碑

德清俞樾

道因時以立

功高斯不伐

昧乃明之極

理自天而開

理定自無爭

昔者今所因

金經略成誦

去日極可念

亂流自起滅

白日長無為

遠山如相親

遠山時有無

惟止乃能動

為言今日樂

四野自高下

因昧而為明

因理昔時書

萬山時有無

絲付



中国国家图书馆
NATIONAL LIBRARY OF CHINA

德成言乃立

相親維白石

山去天不遠

義在利斯長

所誦此金經

石無土而高

山石不流動

書久釋乃顯

臣家今高國

天日自高明

理日戰而強

帝德古成康

略具四時所樂

臣以壹經自樂

雜以經史為樂

不爭壹日之長

史稱萬石之家

時有山澤之思

極四時之所樂

有莫能言者樂

樂山澤而之野

襲六經而成書

無不成誦之書

明經義以著書

帝德萬世無極

壹威儀以成德

除誦經無所作

臣家壹經如初

澤經史而立言

思去尸有如斯

盛世不言遠略

臣家自昔明經

理義明時有建白

登高因誦白也作

功夫定後無思維

立石自刻獻之書

盡口相親雜有石

遠山相從久不去

長年可樂莫如書

亂石羣立長無言

言之高下在於理

自天降康年乃有

道無古今雜其時

及時為樂臣所能

昔之所經極可念

此日壹去不可復

今如不樂請復思

及時為樂其無辭

澤以長流乃稱遠	山因直上而成高	古書明昧久乃顯	遠山高下初如無	世不能爭維此理	臣之所樂莫如書	以經史為無盡義	不山澤而有遠思	自古以有年為樂	方今如初日之長
日莫萬山如無有	天高四野極分明	六經盡為道而作	羣書以久釋通明	略誦古今成野史	具言金石著山經	古今之樂盡此矣	山野所樂如斯夫	有無不爭家之樂	上下相親國乃康

極盡四時之所樂	自成壹家以立言	世登上理有極樂	臣除經義無壹長	下臣所樂維經義	上理無為稱詔書	臣於世不爭功利	日在家維誦道經	雜於經義有獻可	不從時世復爭長
無言者天此理顯	有道之世其日長	帝立四維而定國	臣誦壹經以起家	家無所有黔長樂	世盡能思白不羣	請于極盛登咸世	誦此無為道德經	白日無為羣動止	金經成誦萬言除

起滅萬流金自定
久長壹念石為關
戎功久著今天下
高義咸稱古相臣
白樂天因天而樂
王無功成功如無
樂其所樂莫之禁
利不言利無能爭
道理分明方及遠
功夫長久可為山

請於秦上無為世
長作天家在野臣
時定始成金石樂
功高長在帝王家
維孝於親有石建
不言所利無王戎
四時不害年可樂
數世之利書為長
為樂極之五六日
著書可以十萬言

始于在家能及遠
因之為道如登高
時釋古書明古義
請從山野著山經
此樂無極臣壹石
斯世其康帝萬年
帝德不以首山顯
臣年乃如野王高
動之作之咸有道
高也明也今夫天

久從山澤言辭直
除夫經書家具無
天年自樂今山長
帝德能書昔史臣
時從野臣著野史
久於山澤稱山家
無古無今道維壹
有可有不理自明
家有義方稱長者
道維強立在初年



道在無言天自顯

不以經明思自薦

年高有德世咸親

維其道在澤長流

亂流四下疾於夫不

四時所樂具在于此

古石羣立作其之而

六經之義不盡於斯

遠在泰古乃有此樂

登高而思此樂萬古

盡刻斯世所無之書

立言不襲自成壹家

威儀可親帝稱長者

既動復止初念不及

康強不害臣樂高年

自味而明羣言盡除

登高而盡四野所有

強者明者乃能斯道

著書以成壹家之言

盡矣極矣而復其初

初念長明如暴之日

山高流長請從所樂

壹成不動所樂者山

道成德立自顯於時

書無經史咸極其義

帝稱其功世樂其利

山有土石分爲之辭

及後者德定遠者威

莫不樂其樂利其利

威制暴強惠及山野

斯乃言無言爲無爲

澤流後世功在邦家

具著於書以明古義

功德既高長在國史

有如此樂維在山家

金石之樂下及臣家

經史之澤可以及後

古稱不德乃爲上德

道德既高因而顯親

夫維無爭斯莫之爭

家世之盛長為稱首

著作所定無不成書

道義自高如立六國相

及時為樂請自今日始

著作極盛可稱萬石家

於世無爭長如泰古初

道其道德其德義理自在

高者高下者下山澤攸分

後日思今今復思昔不如盡除此念

天下在國國乃在家其維自定於初

自泰初而皇而帝而王理亂相從止此壹道

念古昔立德立功立言辭義不襲具在六經

集漢隸一

校官碑

文章昔潘樂

清風表介節

閑來絕人迹

家世今國高

典義發雉文

楸外聆禽聲

陳詩聆國政

楸竹有高節

君子焉不學

謂易剖天心

文禽無俗聲

國人胥曰取

三公不易介節

學不謂將焉獲

不役在俗之樂

一官自樂天年

禮既復即是仁

惟謀我心所安

謀于楸學有獲

獲一善無失之

脩之家德乃長

即三公不易矣

脩竹不孤君是矣

公旦垂聲周有雅

清風在戶我招之

屈平高蹈楚無風

平旦所息長在抱

自陳心迹詩之聖

清風自來初無私

不用矜張文有神

自將詩禮垂家教

自昔學詩宗表聖

惟秉忠貞佐聖君

於今謂易有君平

清風無私雅愛我

昔年絕作屈平賦

脩竹有節長呼君

今昔高風表聖詩

自抱高風詩典雅

周詩漢賦自典重

不矜介節竹平安

清流脩竹人平安

利在所輕義自重

高義自脩無德色

德之既高又不卑

老年長樂有童心

所教學不外詩禮

老年不失髫年樂

既安樂且長子孫

今世重親上世人

崇高將冠百官表

脩德克昌焉有艾

閑雅不矜一藝長

抱詩自樂一無疑

武公之詩是曰抑

清高自作詩家祖

老子所費首在志

平易長存世外風

高人不附百官表

君子在上眾歡衆

詩老親呼一字師

國人曰取無阿私

君子詩學白卓絕

詩有清風師正雅

我夙師資無阿私

字無俗迹學來禽

學有師資在不旨

親仁寶善資民利

老將謀樂從今茲

謂武脩文佐聖謨

嶽無人迹禽聲樂

字無流俗形聲正

戶有輕風竹景流

詩不矜張結構安

文禽發聲清于琴

聖垂六藝禮樂作

脩竹結實陳我慶

天賦三德仁智存

清絕作詩無俗字

是迹是神無乃有

閑來叩戶有高朋

即生即息貞復元

世有令德在君子

自是高人長不老

心虛愛民惟仁人

即今脩竹復生孫

人之進退在辭禮

長令子孫親有德

官無崇卑惟愛民

自將詩賦樂平主

自愛初無阿世學

文章余雅從無俗

之官即有利民心

詩賦風流自有神

尚有典章平子賦

平安自愛高人竹

從無聲色樂天詩


清遠初疑嶽老家

愛樂天詩初不俗

雅興惟詩三絕冠

抱君平易自無疑

受康有竹一家清



所愛文章宗尔雅
不將詩賦表風流
襟色有無在平旦
清流屈曲抱詩家
閑家用老子三寶
從政稟周官六廉
有三公不易之介
無一藝自用乃高
國家將興有臥佐
文武所稟惟聖謨

百姓樂呼嗷令尹
一官即是昔公侯
叩戶從來無俗迹
抱詩所在有清聲
自有高朋將學講
且教童子抱詩來
楸外高人元不俗
詩家老將自來雄
楸興且教從衆樂
高年初不用童扶

化康彼我元無迹
存尔天君卽在心
廣用閑存惟聖學
善謀克復卽天心
卽用詩章陳國政
長從楸老察官聲
課樂不在文字外
學詩肯從風雅來
從我所樂有學在
採之卽存惟心虛

惟學藝文卽末也
克脩德義定臥康
文藝從來負尔雅
進脩元不失風流
儀容閑雅人胥愛
文字優長世所師
絕藝無雙在文字
用心克一自優長
清風高節世所重
令子欲采之將與

節德不矜有位重

文禽雙來登歡樂

克家惟在子孫賦

清流一曲人優閑

自是清高無俗句

高興且謀樹外樂

從來文雅即風流

雄文尚有國初風

自是樹人親樹景

童子一人親執役

惟將家學永家聲

高年三老來作朋

閑招樹色來平楚

淵邦直流生一曲

面受清流生遠風

閑招孤景作三人

一家長有歡顏色

天賦清高絕流俗

百年從無彼我心

老垂著作貽子孫

履仁蹈義用脩我德

仁義自脩君子少

學詩誦禮克昌尔家

詩禮之教家人利貞

除周孔外初無絕學

樂民之樂歌於自樂

驟楚漢來乃有雄文

仁人安仁實即利仁

長于從政不惟三善

國政民風垂之詩教

卓彼著作自是一家

進禮退義閑于聖謨

除文字外一無所愛

禮樂既脩垂之教化

有階竹在東呼曰君

進退無失閑于容儀

心虛受人即仁即智

愛敬親仁世之師表

抱茲介節不卑不高

窮交窮武民乃景節

後附

克嗣彼私平且有息

愛樂天爵不流虛俗

不役于俗天君乃安

學宗師又克進于安

孝悌惟孝家即有政

惟善是誦今之政尹

樂民之樂德乃不孤

無疑不察民曰神君

清流所受不直國曲

惟忠惟孝稟天所賦

與色自來既白疑無

學詩學禮演聖之謨

家學優長天資卓絕

文章尔雅履躬清貞

雅曰進德焉脩學焉是在其尔

純茲承友矣長樂矣蓋有天慶

天之生我公焉是上將是取佐

昔也有茲人處曰武侯日子儀

集漢隸二

曹全碑

泉石從所好 有酒且其樂

文章如有神 無錢安足憂

聖世重興武七德 泉遭急雨因潛出

諸君同負史三長 風遇餘雲復勒歸

少孫尚擬續遷史 周禮六官先治典

子雲奚憚反離騷 漢家大史首臣僚

早齊文望張童子

遇石不拜為之揖

還慕雄風周孝侯

攬酒以聖甚于賢

且以文章存典禮

綜貫文章周六典

還因禮樂振風流

清高名望漢三君

文章典重張平子

不慕金章仍拜石

居處清幽王右丞

少疏文字復臨流

常為山人疏禮節

山野所樂世無禁

還因野史訪遺文

金石之辭臣有長

且與君平學周易

野史所收或遺事

不同揚子反離騷

國風既遠有騷人

誦商之閒有位置

為愛涼風開北戶

周秦以降無文章

因芟殘葉出南山

白石清泉從所好

開泉分水出人事

和風時雨與人同

翦葉芟枝童子功

泉流分布從無絕

名士風流咸所慕

枝葉扶疏不擬芟

儒生門戶本常清

牛遭聖主賢臣世

文字若無高下別

家在廉泉讓水間

酒醪焉有聖賢分

酒以高下別賢聖

風雨和平因聖世

山因遠近分親疏

民人歡樂是清官



大賢憂樂同斯世

鄉居且復脩農政

長吏廉平報聖時

興至時還角酒兵

子孫好守儒門學

辭章舊擬三都賦

鄉里仍名廉吏家

鄉里仍名萬石家

其治幽居先退谷

漢世金章牟重望

尚餘舊德是廉泉

孔門曾閱擬清名

白石清泉常其隱

門牆咸拜文中子

美人名士有同心

官爵仍遷鄉大夫

雨風好訪農家諺

世承王氏三槐美

泉石常存吏隱心

人有張家百忍風

字學近參王大令

家居好水好山地

清名木擬蜀君平

人在不夷不惠閒

子孫共守黼門學

常居賢母三遷里

父老長沾治郡恩

不慕高官萬石家

至老不離文字事

官位早從三事後

所居合在水雲鄉

文章尚在六朝前

山上白雲高士隱

方干以三拜為節

庭前好雨故人同

君平有百錢養生

秦嘉夫婦賢名起

幽人之居足泉石

張敞風流樂事全

高年所樂長子孫

儒者承家先孝弟

吏隱既分無造訪

學人報國在文章

姓名尚在為文章

美官不慕齊三服

曾南豐文章典重

高節還同漢二疏

王右丞居止清幽

且幸雨風和聖世

舊有雄文縣北闕

常存桃李在臣門

近存老屋在南山

儒官本不親民事

令子賢孫同繼起

老學奚為讓少年

美人名士共長生

負米其嘉賢子孝

時與高人商出處

縣魚還述長官清

不從文士角辭章

有錢無錢都不計

山野所好各有在

在山出山其奚殊

州郡之職安足為

和乃不流有定節

人問大隱在朝市

敏而好學無常師

身後文章報國家

曹子建文常敏疾

居家不為在家計

李商隱意本光明

處世常存出世心

叔子風流人所服

為慕機雲常並屋

陽城孝弟上成歸

不貪金紫早辭官

方州部家揚子之易

文德武功副是爵祿

政事文學孔門所長

殊方絕域憚其威名

白雲既開遠山齊出
清風所至流水與遭
屋後遠山門前流水
農父賜酒童子貢魚
德義既高不慕爵祿
文章之美故有師承
雲出人間合而爲雨
泉流石上清于在山
理學程朱辭章元白
德性曾閔家世金張

或有或無歸之性分
若離若合同于世人
不夷不惠君子所處
好山好水幽人之居
義在斯爲奚讓賁育
理足而止不因程朱
枝葉旣芟斯存本性
門戶不出而收遠功
從葉流根是爲敦本
因雲興雨所以濟時

君子脩德無不獲報
儒者明理奚爲費辭
君子處事有忍乃濟
儒者屬辭旣和且平
臣門桃李遺有清景
名山金石勒其雄文
民和年豐咸拜神賜
家給人足其樂時清
德義無官位而足重
文章勒金石以不刊

面山臨流幽人所止
興廉舉孝令德之光
三世長者是有令望
百歲老人還如童年
和仍不同君子之德
定而后安大學所先
諸子百家不分門戶
名山大河各敘文章
殘石臨丞相臣斯字
名山續司馬子長文



不出門庭全收野景

官職文章各居其極

相從里巷大有高人

門墻桃李無美不收

白也風流與神人等

所居臨流親近泉石

退之文字為學者宗

有人載酒商定文章

同人于門以輔其德

石不合拜止相揖爾

君子有穀乃興爾家

臣蓋于酒時復中之

既濟乃定是有易理

治國若魚不擾為福

大極不動斯為神功

養民如馬有害斯除

萬里長城聖意有屬

百穀膏雨民望所歸

退之工文辭學者從而師事

司馬相中國遠人服其威名

泉明歸與歸與置老屋六七間在山水之鄉曰首相安

金章奚慕

居易樂哉樂哉其及門二三子志秦漢而上干時不足

養性有餘

集漢碑三

魯峻碑

清游止風月

春歸勢不落

高文在樂石

生計在琴書

風靜月長明

大道有傳薪

春粵秋月自娛樂

傾者家風當靜穆

三山五岳長游行

學人體氣自蘇平

史學無如小顏博

究竟孔顏何所樂

書家祇守二王傳

大凡清任不如蘇

高人不在百官表

能令一家長靜穆

遠游當如三神山

不惟四只是清蘇

自昔詩人有何遜

台德能如太正長

還傳雅度比王恭

清游何獨永蘇年

家除圖史無長物

史氏三長惟在學

天呂風月娛高人

文家七發竟如神

惟為紙石作雅拜

自昔何休為學海

自載明月當清游

還如司馬在文園

除琴書乃無長物

所居直是蘇神國

有礬石而佐清游

自昔惟傳獨樂園

書體遷流通漢隸

羣傳長吏廉平德

詩懷清暢發吳歌

敬作中蘇樂職詩

便門盛比文中子

門外有人時載月

神計傳之黃石公


園中無事自彈琴

報國之文在公詩

便生任職彈琴治

傳書而去有門生

廉吏遷官載石行



中国国家图书馆
NATIONAL LIBRARY OF CHINA

何人不謁圖書府	縱懷琴事當春去
所在當稱通德門	暢足清游載月歸
若令居家長肅穆	爲報春風能一石
自然生子作公卿	當延明月作三人
學無弗究詩懷暢	德行自當顏子比
書不徒臨篆體高	風神還若九齡無
便者不惟通一孔	縱覽書家師內史
史家所有是三長	盛傳琴德比中郎
休道春琴無足覽	自構小園稱獨樂
能如秋士自然清	時當令節作清游

臣有圖書足娛樂	游人縱道五陵樂
人當琴月自遷延	高士自守孤山居
能已詩書通政事	雅事長留在詩史
自然道學始風流	清門所拜止琴神
官高中外威儀盛	琴事循行惟小輦
家在東南門第清	石公雅拜有高冠
大雅不羣自宏遠	自有圖書生計足
盛時所樂是清平	長留風月舉家清
東山高視小魯竟	自昔便門長靜穆
南國流風懷召公	一時詩史廣流傳

盛事當令詩史紀

有時灌園自僂服

高人能佐石公游

未始彈琴游王門

若徒博物僂還小

百家九流視之掌

未始陵人學自高

一月三秋懷其人

高官五馬何足道

無大無小歸於敬

陳書百城已自娛

有為有守視其人

已詩作史乃無穢

自疏干謁臣門靜

稱石為公自不孤

若去琴書家計無

廉靜自守則長足

不居官職徵高節

道德是樂乃無憂

惟樂圖書表雅懷

高人自紀園居樂

門內琴書長雅瑟

文士還傳山石詩

山中冠服自清高

自作歌詩無節奏

去除琴石當無物

強循禮度太生疏

勃發歌詩若有神

直已文學當政事

五體惟為拜石袖

能為循吏惟純僂

三公未若灌園高

不通干謁門長閉

良物不留惟載石

惟守琴書案自清

清官有效是高門

百事清平為有令德

如樂之蘇乃稱盛德

一家蘇樂是已大年

無書不覽是為通僂

家無長物琴書自樂

石氣縱清琴瑟自潤

天生高人風雅之宗

詩懷始暢琴德自獻

帝嘉其才士歸其學

詩若長城四竟獨守

民樂者德吏服者威

學如大海百流兼歸

陳大正如其道廣

有琴有月園中樂事

顏魯公何止已詩傳

無春無夏城外清游

南董史才東馬文學

春九十而園中長在

魏國七子漢時三君

月三五於海外生明

落月有懷孤石獨拜

度比江河細流兼內

春風所在百莠自生

氣如春夏羣物發生

讀子大傾史游小學

帝曰干城士稱師表

高堂治禮夏侯傳書

民樂父母吏敬神明

長卿高文天子是覽

有物有則山父之德

中郎獨斷學者所宗

學詩學禮孔門所傳

歸之於中師高自化

家有小園足已獨樂

遜而不校平勃自獻

年當大董自然長主

報國宏文濟時高議

門外清游三五明月

居家蘇樂作吏廉平

園中琴事廿四春風

明月清風人無不有

呂氏博議自然通暢

彈琴作詩自足已娛

中郎獨斷大有發明

明月清風足以樂矣

仁義自治有為有守

德行文學兼而有之

琴書足樂乃息乃游

長卿詩城白足以守

廣平所守如石不化

何休學海士無不歸

孝肅一樂若河之清

蘇而不流廣平如石

逆者明者乃能是道

游乃是學董子之園

忠矣清矣當視其仁

學比董生乃為便者

若在孔門當視顏子

政如子產是曰惠人

比之漢侯其惟董生

作百一詩曰自娛樂

顏子服膺為學之道

臨十三行大有風神

石氏恭敬當時所府

南山等高東海比廣

縱覽樂史太平所紀

春風流惠秋月表清

如在大令永蘇之年

公綽之廉曰石表裂

山高流長足曰游覽

子產曰惠不春而溫

春溫秋肅歸之中蘇

能守琴書是為有子

天為之徒而物何有

自樂道德不憂無徒

人能不孤惟德則然

學通九流書兼三體

門無干謁案有琴詩

集漢隸四

樊敏碑

不隱世而立

無遺行于鄉里

乃与天爲徒

有命德在子孫

故人痛飲長松下

所學不爲外人道

同志清譚密室中

其言乃號君子鄉

故舊清譚招一再

常以經義授鄉里

門庭春色又重正

不將文字角辭華

古舊舊校漢沃麻

漢世所重在經義

盛事今參晉永和

晉人常好爲清譚

所喜清譚有周黨

春華不若秋華好

好將大節並嚴光

今月常同古月明

秋天炳然月長滿

欲招故人与同飲

春風起兮華怒生

乃鉏明月而種華

舊有辭華分八米

古人所重在大節

今留光曜在三台

君子於學無常師

不辭華下一再飲

痛飲春風能一石

爲喜春光九十長

戲招明月作三人

種松有就期百歲

居常無喜怒之色

立石不銘刊六經

立志以聖仁爲歸

立節能輕古韓魏

奉華作神有春色

當仁不後今微其

爲石立史無穢辭



不以榮華曜鄉里	能以經術治吏事
常將道德養祥和	宜將秋實作春華
合德宜為漢三老	屬當中外清和世
雄風不慕齊一匡	請作君臣喜起歌
直道而行能正俗	能以經義正民俗
學人所重在窮經	不辭冠冕為君恩
舊事微叅柱下史	此中宜作文字飲
雄譚大發枕中書	有人能為華月歌
體道辭榮漢二老	松下風為晉和聖
教經講事魯諸生	囊中書有晉陽秋

諸史以遷為之祖	行見鄉閭三物備
六書有鉉而後明	不徒文字一朝長
盛世喜當漢文景	喜見故人宜痛飲
老人復見魯靈光	戲為明月發清歌
古以青史氏為重	能以清譚學東晉
君乃金華殿中人	非徒風景近西泠
能於遺經見大義	千載濯冠欽儉節
直為潛德發光華	三軍斷布佐雄譚
飲人戲招畢吏部	明月不能無秋思
秋色清同韓魏公	故人所在有春風



謠歌王在靈臺作

風度清華晉人物

非復巴人下里辭

文辭嚴重漢都京

吏治富師必子賤

十載辭榮長枕石

清議宜招劉景升

一朝慕義起彈冠

書罷渾雄或參耒

石建門風在忠孝

史臣祀載欲師造

王褒文體總清華

欲與故人同倡和

囊中舊有歸潛志

不從後起角辭華

松下常譚種樹書

士喜然明重東里

辭華舊有三都作

經將老子續南華

道體今從一貫參

長松卓立古之直

秋陽光曜近有苔

好風微起聖而清

長松風起作之而

勒石銘金百世物

清風明月六朝人

所喜好不離文字外

一書再書華外無史

有行義足為鄉里師

十里五里松下有人

門有古松庭無亂石

天之生民有物有則

秋宜明月春則和風

學無常師乃一乃精

吏號神君民歌淑母

集義所生無助之長

國有楨幹士賴楷模

好學而敏乃窮其微

學無常師卓然有立
古之君子和而不同
行于鄉里爲古長者
附以韓魏若舊有之
仁者爲人學者爲己
義在所重物在所輕
同人于門冠冕所集
君子表微文字之祥
常將令德表此風俗
不以外物擾其天和

和而不同周而不黨
今人與居古人與儗
華下今月松下古月
春宜和風秋宜清風
九經三吏軌物咸備
五光十色文字之華
十年種樹君子有後
一朝復禮天下歸仁
三世長者宜備百祿
十部從事不若一書

清風和風咸助長養
春色秋色並有光華
仁義足榮輕漢三傑
道德爲重恥齊一匡
養之若苗不助而長
書此于石以喜其遭
仁義是重乃輕晉楚
道德無損能益松僑
履蹈中和身爲律度
安行仁義福垂子孫

宰除書史從無外物
臣於金石寔有微長
皇路方清俊士並起
聖經咸在大義以明
秋寔春華學人所種
禮門義路君子之居
禮以履之義路是蹈
仁者人也天君乃和
文以載道史以載事
義者爲己仁者爲人



居以志養仕以祿養
德爲人師學爲經師
請刊石經而備三體
乃爲楚辭以續九歌
以歲之和史書大有
其人能養天授長生
有物有則乃天所与
或清或和以聖爲歸
九曰五福天之所与
一月三遷士以爲榮

請以種樹十年爲則
不徒文士一朝之長
爲學則益爲道則損
與今人居與古人稽
不遇九方遂無神物
周歷五岳非復常人
漢太史公恩禮爲盛
魯靈光殿中外咸欽
史氏所長三者咸備
大學之道一是爲歸

周有八士伯達居長

集稷下士作柱下史

漢之三傑留侯爲賢

無囊中物有林下書

八士生周三傑佐漢

節制三軍行其秋令

六經在魯一匡霸齊

招集百物入此春臺

天有文昌乃見光耀

清風清聖和風和聖

國之重臣是爲幹楨

今月今人古月古人

同軌同文遭際盛世

從漢揚雄而學奇字

有物有則模楷古人

招晉畢卓以爲飲人

國僑有辭与一方鼎

風月滿庭春色無賴

晏子節儉見於濯冠

窮達一節秋士有思

曾靈光殿下倡景福	體驗入微不物於物
楚巴人辭上和陽春	造就者大化工無工
見義則爲鍾其德色	德威並樹吏治乃建
當仁不辟養此心苗	文行咸重士風大和
和氣生祥所養者大	清節爲秋是有潛德
渾元無外与物爲春	和神當春故能大年
道德一經首重在儉	六一居士喜集金石
損益諸義無大於謙	九十春光宜養祥和
秋陽光曜近于有若	
清風微起古之伯夷	

集唐隸

紀太山銘

惟孝蒸蒸又 爲道則口損 其稱名也小

其仁浩浩天 有大而能謙 能順天者昌

九五福居首 在山爲宰相 其書渾渾爾


七十載從心 於易乃祖師 乃心休休焉

聖人大寶曰位 樂其樂利其利 居在仁由在義

天子萬歲無疆 道非道名非名 今與居古與稽

居何在仁是也 仁者安知者利 能文章有道德

信以成君子哉 視其以觀其由 是官府亦神隱



中国国家图书馆
NATIONAL LIBRARY OF CHINA

前古後今有如是
天高地厚無已時
高文典重張平子
舊迹存留王獻之
寶始居山斯爲祖
或能植物莫非師
以石爲山焉用大
不風而月也能涼
不煩擾斯稱道力
無起滅乃見禪心

事在始終中舉
儒由天地人咸通
山中人惟知自樂
天下事不在多言
海上生明隨處見
山中積雨絕人來
大山小山若伯仲
新植舊植稱祖孫
江上自來山萬疊
尊前惟有月三人

大文自刻會昌集

亦有小山起平地

小序如見永和人

將隨明月至前川

多福集於大度者

合道德文章而化

成功率在小心人

如金玉錫石之儲

巖處先儲鎮山寶

金石刻銘用皇象

川行小制順風旗

文章典雅有相如

社事惟行一獻禮

文士成章時涉戲

山居亦有九錫文

山人行禮不爲苛

厚地高天樂其樂

立旗而觀風順不

涼風明月僊乎僊

舉網有得月隨之



小舉金尊對明月

如是我聞盡風月

高張石刻聞古香

多與人同惟藝文

風化一編今樂府

已成靈運山居作

表章六藝古師儒

不獻相如封禪書

眾山自是羣玉積

立石自成小五嶽

明月豈非七寶成

陳圖而觀大九州

自有僊人非盡誕

天上亦聞有官府

由來名士亦通禪

山中或已是神仙

天子萬歲萬萬歲

漢史公書大著作

聖德日新日日新

唐山人集小詞章

順道尚煩風一至

順時自有金風至

歸山惟與月同行

構室惟求明月多

多言自守金人誠

四時允叶玉衡政

稽典時開玉海編

百歲不聞金鼓聲

觀五嶽而知眾山小

厥修乃來惟日不繼

凡百川咸於大海歸

與人同樂其益無方

文豈無神乃帝之命

山居樂事三馬有慶

山亦有史是臣自修

文章大觀萬象咸新

聖於伯子亦美其簡

德者本也利者末也

人如獲也始謂之和

禮以行之信以成之

著則能明明則能動

禮大斯簡樂大斯易

正而后修修而后齊

父在爲子君在爲臣

視山人居若神仙宅

圖難於易爲大於小

開文章府亦大將壇

視有若無居實若虛

正修齊平是謂知本

天生仙物三千歲孰

誠著明動乃能化邦

地溥美利九十月成

無歲不孰萬寶之府

山有錫貢惟獻植物

得月而明羣玉其山

天張玉戲以樂高人

以蒼吏凡將求古義

今日云云莫大風月

用金人懿誠誌躬修

我心在在有小山川

天錫六符地貢萬寶

臣於三德六行咸備

易張十翼書陳七觀

書非先秦前漢不觀

請觀玉衡以齊其政

風至山中無不和暢

乃刻石鼓而紀茲文

月生海上自極高明

古有文章與我爲戲

秦刻巖石以視後代

天將風月助人之歡

漢啟宅壁而求古文

文以先秦前漢爲則

有物在尊是爲天祿

居有三山五嶽之圖

刻文於石莫將人磨

稽文考獻新編山史

順時而行歸於安宅

揚風推雅大啟詞場

修德有報福在後人

禮樂有成乃稱明備
天孫錫靈精思乃啟
功名不處自極崇高
文昌垂象休運斯開
爲政不煩在明牧宰
天生是人以翼聖世
與人同樂是小唐虞
帝立作相用纘戎功
修武揆文允矣聖相
儒者有文斯稱風雅
報功崇德美哉昌時
山人無事是謂神僊
敘事以先秦前漢爲則
通人無方不爲玉不爲石
考文本方言廣雅而來
修士有則亦如錫亦如金
文物天開已盡東南之美矣
典章聖作尙於庚子而陳之

集經石峪金剛經字

泰山經石峪所刻金剛經已不全茲姑就
所有者集之所無之字則取之金剛經云

金輪持世 但用我法 不處下流 從小知大

寶典應時 何畏人言 自然上達 受重若輕

卽心是佛 金經度世 老樹若臥 不解事漢

知我其天 白眼觀人 微波如羅 眞讀書人

著作空後世 讀書能見道 功名子弟事

禮樂法前王 入世不求名 天地聖賢心

塵根轉卽去 照闇孤燈小 種成皆寶樹

清福種方生 乘流一筏輕 道合卽金蘭

不養生而壽	讀書必提要	未成燈下句
處塵世亦仙	處事在通經	來數園中華
高人天所命	福壽男則百	日長金尊小
深義佛無言	德功言爲三	身老布衣高
羅衣稱身著	但願生平世	多言卽少味
華擔在肩輕	何須著罪言	無欲斯有爲
白眼觀塵世	清時最有味	能受諸福五
金經養道心	白日長無爲	是稱達尊三
山深圍作國	受經有高足	有時而獨往
樹老化爲人	應事要平心	無日不狂歌

有子萬事足	所行是我法	老樹甚可怖
無佛一身尊	其發卽婆心	空山疑有仙
坐觀西山色	衆習國中住	有華皆解語
臥讀南華經	大羅天上人	無樹不生香
此語深有味	書得燈邊味	深思供佛句
我心淨不波	人間華下香	微聞讀書燈
佛仙亦凡種	爲善無不報	樹上長生果
福壽在名山	無欲而後剛	天邊及第華
欲無爾我見	荷高能得露	身心萬緣淨
須有老莊書	蘭小己生香	意味一燈孤



不凡卽是佛

是非聽人世

畏聞人世事

有果莫非因

禮樂付經生

高臥故山中

老樹立如塔

高以下爲體

清流繞作城

輕乃重之根

來從華嚴法界

有恒可以入聖

多言人莫輕信

去觀天下名山

無欲然後得剛

得意事不妄爲

那能皆如人意

入樂國住樂土

欲於經義有得

要不大異我心

見異人讀異書

若云世事無求

山中作相尊之至

書有未觀皆可讀

坐閒供佛壽無量

事經已過不須提

尊前時復中清聖

合眼如見諸仙佛

燈下還能讀漢書

入園卽是小山河

槃中仙果最得味

不解俗緣千種事

坐上脩蘭別有香

皆因身住萬山中

世上聲名天付取

人世亦能隨俗住

山中事業我平章

我行最喜入山深

樂善不言因果事

解經切莫金根誑

養心有取老莊書

養性還須白墮來

從來大白何能辱

及時上壽一大白

果是眞金定有剛

隨處著華千碎金



山中坐等小蘭若
凡眼何能別蘭種
天下人尊大布衣
仙心方得受荷香
能以仙心脩佛性
時歌白也微之句
卽教肉食亦清流
亦讀莊生老子書
脩仙卽是成佛法
養性尊前須白墮
入城不異在山時
戒言坐右有金人
欲解昔賢何所樂
萬事隨緣皆有味
但觀今我此時心
一生知我不多人
老樹分行如立界
心上有天卽見佛
深山圍住卽成城
山中無廟亦來仙

清波亦可辱以足
我法去來皆不著
小樹已能高及肩
人間聚散莫非緣
昔往今來有如此
老樹成行不見日
天清地曠無已時
清流小觸卽生波
人奉高名非所取
不解養生偏得壽
天生清福不須脩
頗思離世乃成名
功已告成還處女
道大隨人各有得
身能長壽又多男
心平於世一無求
心至虛時能受益
但求之我有實在
目當闔處乃生明
不得於心無妄言



少日讀書得上第

長句未成三益至

老來高臥稱達尊

清尊欲盡五經來

老去初無阿世意

經在漢初無釋解

出來還是在山心

字從斯後有真行

千金白日虛言值

一老空山坐讀書

大名在千佛經上見

人能讀書卽爲有福

此身於眾香國中來

我欲去謗莫如無言

人誦高名如在天上

山中清節嚴於金布

身無塵事不入城中

天下散漢尊在白衣

善合眾長取狐之白

與其輕人不如重我

大有所利於肉得金

但求無過非必有功

獨往獨來義之與比

一念不起彼我悉化

眾聞眾見德則不孤

空山無人仙佛皆來

有子弟可教一樂也

舍逆億不用其賢乎

尊中有味不爲賢卽爲聖


燈下無事非讀老亦讀莊

園乃甚小山亦不深頗得真意

食尙有肉衣則以布自稱老人

深山無口無時去來今不記
老樹有華有實色香味皆清





中国国家图书馆
NATIONAL LIBRARY OF CHINA